

漢魏六朝百三家集

梁十
類
辨

何記室集

第
六八十册

壽考堂藏板

何記室集題詞

何仲言文名齊劉孝綽詩名齊陰子

堅今集中文頗少爲衡山侯與婦一

書詞林見賞亦閨房語耳未可方阿

士也子堅長於近體安樂宮詩尤稱

除八病協五音然風格遠不逮仲言

何言室集
吳言
銅雀妓宿南洲浦諸詩又不知何以
比肩同聲也秀才對策南鄉所重旣
恨未見昏鴉接翅歸金粟裏搔頭等
語集亦無有今所傳者隱侯讀詩一
日三復文集入洛諸賢並贊以此名
高耳少陵佳句多從仲言脫出是以

有能詩何水曹之句後世詩人知慕
少陵卽慕仲言雖顏黃門致譏貧寒
無貶聲價蓋古人詩名有因後人而
益貴者陰何其類也

婁東張溥題

梁何記室集目錄

賦

窮鳥賦

牋

與建安王謝秀才牋

爲孔導辭建安王牋

書

爲衡山侯與婦書

七

七召

樂府

銅雀妓

擬輕薄篇

門有車馬客

昭君怨

詩

九日侍宴樂遊苑

登石頭城

望廨前水竹答崔錄事

暮秋答朱記室

酬范記室雲

落日前墟望贈范廣州雲

日夕望江山贈魚司馬

答上長史

道中贈桓司馬季珪

夕望江橋示蕭諮議楊建康江主簿

寄江州褚諮議

入西塞示南府同僚

下直出谿邊望答虞丹徒教

贈諸遊舊

贈族人秣陵兄弟

秋夕仰贈從兄寘南

仰贈從兄興甯南

贈江長史別

送韋司馬別

南還道中送贈劉諮議別

與崔錄事別兼敘攜手

別沈助教

與沈助教同宿湓口夜別

與蘇九德別

贈韋記室黯別

初發新林

渡連圻二首

下方山

入東經諸暨縣下浙江作

何言室集
還渡五洲

春夕早泊和劉諮議落日望水

和劉諮議守風

宿南洲浦

學古贈上永嘉征還

和蕭諮議岑離閨怨

嘲劉諮議

詠照鏡

擬青青河畔草轉韻體爲人作其人識

節工歌

學古三首

聊作百一體

早朝車中聽望

臨行公車

秋夕歎白髮

夜夢故人

從主移西州寓直齋內霖雨不晴懷郡

中遊聚

何言至集
劉博士江丞朱從事同顧不值作詩云

爾

春暮喜晴酬袁戶曹苦雨

苦熱

七夕

揚州法曹梅花盛開

行經孫氏陵

塘邊見古塚

哭吳興柳惲

登禪岡寺望和虞記室

答高博士

贈王左丞

敬酬王明府

西州直示同員

野夕答孫郎擢

石頭答庾郎丹

日夕出富陽浦口和朗公

臨行與故遊夜別

與胡興安夜別

車中見新林分別甚盛

曉發

慈姥磯

見征人分別

同虞記室登樓望遠歸

與虞記室諸人詠扇

看伏郎新婚

詠娼婦

詠舞

望新月示同羈

詠春雪寄族人治書思澄

和司馬博士詠雪

詠白鷗兼嘲別者

行經范僕射故宅

王尚書瞻祖日

送褚都曹

二首

送司馬八五城

邊城思

爲人妾思二首

爲人妾怨

閨怨二首

南苑

苑中見美人

詠春風

離夜聽琴

相送

答江革聯句不成

又答江革

詠雜花

聯句

擬古三首聯句

往晉陵聯句

范廣州宅聯句

相送聯句

至大雷聯句

賦詠聯句

臨別聯句

增新曲相對聯句

照水聯句

折花聯句

搖扇聯句

正釵聯句

附錄

本傳

何記室集卷全

梁東海何遜著

明太倉張溥閣

賦

窮鳥賦

嗟窮鳥之小鳥意局促而馴擾聲遇物而知哀
翻排空而不矯望絕侶於夕霞聽翔羣於月曉
既滅志於雲霄遂甘心於園沼時復捨榆決至
觸案窮歸若中氣而自墮似驚弦之不飛同雉

有言... 全
一
塒而共宿啄鴈稗以爭肥異海鷗之去就無青
鳥之是非豈能瑞周德而丹羽感燕悲而素暉
雖有知於理會終失悟於心機

陳世祖

梁東抄本 經卷

何詣室集卷全

牋

與建安王謝秀才牋

州民泥塗何遜死罪卽日被板以民克年秀才
民謝聲非關右月旦而誰錄觀

物託興乏澹雅之才豈飄然之作伏

惟大王殿下令聞令望邁楚逾河好德好士雲
歸海赴若夫選重雄州望隆觀國必使聲高後
進德繼前修民學異扣鍾辨慚炙輒將以允應
貢選待問金門上第甲科旣慚髣髴管窺雖畫

彌畏友朋恩榮忽賁固請無涯便當矣忝魯服
濫同齊吹戰荷屏營忻惶共色不任下情謹奉
牋以聞

爲孔導辭建安王牋

士實塗泥美非竹箭昔逢際會忝申名質悠悠
漢水獨驚輕舟雖慕義如歸而暗投多思遂禮
頻上席愛比後車感此隆遇久知輕死軒蓋出
內歷念陪遊府朝升進隨事多幸賜餘論於顏
色奉德音於宴和藉此增榮遂延繆價今便除

名復 足在寬身非木石戀同犬馬雖朝夕曳
裾無違接侍而職務一離有同賓客瞻階下拜
屑涕無從永言僚故載懷罔已頡頏之禽慚悲
於出幕蒙茸之獸結志於首丘

林紫茸

其性燥炎永可為地地門日隨所之會測甚

辦無靈效非而瀝綠一則有同實密樂骨不非

可野 只亦冥良非木不戀同大愚雖博必

書

爲衡山侯與婦書

昔人邀遊洛浦。會遇陽臺。神仙髣髴。有如今別。
雖帳前微笑。涉想猶存。而幄裏餘香。從風且歇。
掩屏爲疾。引領成勞。鏡想分鸞。琴悲別鶴。心如
膏火。獨夜自煎。思等流波。終朝不息。始知萋萋
萱草。忘憂之言不實。團團輕扇。合歡之用爲虛。
路邇人遐。音塵寂絕。一日三秋。不足爲喻。聊陳
往翰。甯寫款懷。遲枉瓊瑤。慰其杼軸。

非節南宮... 其... 其... 其...

強國人以... 其... 其... 其...

五... 其... 其... 其...

其... 其... 其... 其...

其... 其... 其... 其...

其... 其... 其... 其...

其... 其... 其... 其...

其... 其... 其... 其...

為... 山... 天... 賦... 書

書

書七

七召

假氏先生負茲勁挺狀羣飛之喪侶似獨行之
迷徑神忽忽而若忘意衝衝而不定監丹綠其
無主聞鐘鼓以失聽至乃冬霰積庭室靡人聲
春花滿野地無行者園堵常閉曲突無煙同生
芻之有束共死灰之暄然篤論公子聞而崛起
雖道術之可忘亦切嗟之所耻命徒御以駱驛
將有事乎巖中車煜爚而流水馬泮渙以追風

乃踰汗漫入朦朧至深潭之澳漠有洞室之穹
崇居隱磷而出沒望嶽岑而上下竹距石以褭
通水韻松而含響地不寒而蕭瑟月無雲而矐
朗於是整容投刺屣履排門揚眉就席舉袂而
言曰若五秀稟其生靈六情通其愛惡憎共集
於鄙老嗜同歸於美樂今足下羣鳥獸以爲娛
處貧賤而不忤欲賓實於孤介乃貽譏乎隕獲
至乃喀喀死於道邊質質填於溝壑削松筆以
畫虎鼓鉛刀而刻鶴身旣勞而不勸事何感而

莫懲欲模名於帶索。豈知命於泥繩。何異走長衢而避影。剪流水以求水。今欲導足下以衛生之秘術。怡神之妙道。譬愈我於沉痾。若起尸於仙草。甯願聞乎。先生口有爲之生。已逼無益之慮。常勞若見明於凝滯。幸求教於育膏。

公子曰。千門始構。百常洞啓。激渚開渠。疏山抗址。延袤水陸。曠望東西。下臨江海。上屬雲霓。百丈杳冥。以飛跨。九層鬱律。以階梯。步三休而未半。塗中宿而方迷。雕墻曲屈。以交牙。網戶周流。

以重積。旣陰岑而影響，亦叫嘯而廻易。沙板金鋪，紫柱玉碣，煒煌煥葩，礪礪搏敝。圖雲霧之蔽虧，壯神仙之來往。壁璫自耀，珠綴嘗響。蜉蝣動而晝喧，熠燿飛而夜朗。旣臨下以溲泐，亦憑高而決漉。聞疾雷於階榭，美奔星於帷幌。亘以曲堂，周以洞房。北負連闈，南注長廊。綺疏交映，鏤檻相望。燕飛蓮井，日暎杏梁。陽烏騫其將動，雲鳳矯而欲翔。若乃凌沼開源，延石崇壤。疑岷閬之鬱鼎，侔滄溟之瀆瀆。其中則有桂宮栢寢，吳

臺柘館複道耿介而連雲阿閣穹窿而仰漢望
亂欄之映水見丹鶴之出岫豔草妖色嘉樹珍
名長生靈壽男華女貞河柳垂葉山榴發英翫
奇花之春滿摘甘實於夏成此實宮苑之壯麗
豈能從我而爲榮先生曰多言反道辨口傷實
懼貽弊於部家且自求乎容郝
公子曰銅餅玉井金釜桂薪六爨九鼎百果千
珍熊蹯虎掌雞跖猩唇潛魚兩味立犀五肉拾
卵鳳巢剖胎豹腹三臠甘口七菹愜目蒸餅干

字湯官、五熟海椒、魯豉、河鹽、蜀薑、劑水火而和
調糝、蘇菽以芬芳、脯追復而不盡、犢稍割而無
傷、黿羨流、獸涎醬先嘗、鱠溫湖之美、鮒切丙穴
之嘉、魴落俎霞散、逐刃雪揚、輕同曳蠶、白似飛
霜、蔗有盈丈之名、桃表兼斤之實、杏積魏國之
貢、菱爲巨野所出、衡曲黃梨、汶垂蒼栗、隴西白
柰、湘南朱橘、荔枝沙棠、蒲萄石蜜、瓜稱素腕之
美、棗有細腰之質、並抗吻以除煩、永咀牙而消
疾、於是三雅陳席、百味開印、玉璣星稀、蘭英縹

潤既夷志於坎壈亦忘懷於鄙吝此蓋滋旨之
極珍豈從余而並進先生曰不貴媮食豈甘醕
酒既深悟於腐腸豈自迷於爽口

公子曰秦氏獨立燕姬絕世如短如長不穠不
細信耳目之珍治乃古今之佳麗妍姿艷逸淑
性閒華效施朱於宋里結墮馬於梁家析纖腰
以微步呈皓腕於輕紗臨池正領拂鏡看花觀
堵墻以颯杳傾城國以喧譁墨欲歸而抽軫惠
將返而迴車至乃鄭衛繁聲抑揚絕調足使風

雲變動，性靈感召，擊哀響則春臺之人愴焉而
雪泣，起懽情則崩城之婦粲然而微笑，辭谷調
鳳之管，龍門獨鵠之柯，綠珠絳樹，宋臆韓娥，青
春婉婉，上客經過，開洞房以命賞，召才人而合
宴，舉輕幔以徐來，隔珠簾而可見，牀披象篔簹，戶
垂羅薦，聽促柱之方適，聞度聲之始嘒，步想象
以頓足，腕蹁躑而拂面，託斜視於遺簪，寄含情
而舉扇，俄而夕鷺東返，落日西懸，綺霞映水，蛾
月生天，解鴛鴦之繡被，佛蛩蛭之長氈，燭中惟

而動爛香出帳而微煙願橫衾以自昵脫斜領
於君前此乃聲色之妖蕩將不從我而流連先
生日淫聲非篤論之旨麗色乃余情所棄伐國
不問仁人此言何從而至

公子曰歲晚農收時閒務隙山火已燎野霜初
白聊效殺於秋冬將從禽於草澤蜀地五丁齊
都二子氣動山漂汗揮雨起渥洼流頰護蘭泄
血躡飛影於未形奔流星於欲滅葦草隱隱轂
騎闐闐鼓噪喧而振地烝徒駭而脍天割玉之

刀飲石之箭，置羅布其一目，罟網周其三面，犬
號驤螭鷹，名奔電，暫離已合，忽隱仍見，赴迥趨
危，衝林跋援，草隨足起，山從眼轉，跨躡谿澗，電
舉陵阪，鳥不及飛，獸不遑伏，旣前躡而後倚，亦
左排而右蹴，蹶實駭而自救，騰靈亂而相撲，視
灑血之丹地，見飛毛之暗目，傍窮劫歛，勢極搜
求，文皮坐裂，隲尾生抽，手羈鐵頂，足批銅頭，象
折齒而陵遽，貊拉幽而夷猶，擒高樓之度索，走
大樹之神牛，鴈聞弦而站墮，猿抱木而啾啁，咲

楚王之雲、夢耻漢帝之中流。此武材之矯猛，豈能從我而畋遊。先生曰：馳騁傷仁，好殺非勇。幸廣內之豐樂，何禽荒之足重。

公子曰：竣烏始照官槐，遽而欲舒。顧兔纔滿，庭英紛而就落。譬光影於飛浮，比生靈於栖託。擾摩肩，麟麟方駕。空怵迫於毀譽，獨慙勤於用舍。嗟向有而今無，歎後榮而前謝。清歌雅舞，暫同於夢寐。廣厦高堂，俄成於幻化。若夫洗精服食，慕道仙遊。尋玉塵於萬里，守金竈於千年。三

尸可度、九轉難傳、飛騰水陸、叮嚀靈玄、若乃壁
上真辭、枕中秘要、彈壓神鬼、吐納靈妙、旣變醜
以成妍、亦反老而爲少、虬駕天矯、而出沒霓裳
颯沓、而容與接鵠馭於後、乘追鳳簫於前、侶雨
散漫以霑服、雲霏微而襲宇、瞰芝闕以窈窕、見
玉臺之相拒、蓋排煙而漸滅、旌拖風而未舉、值
解佩於江濱、逢弄珠於漢渚、薄遊玄圃、弭節太
華、列神童於羽帳、侍玉女於仙車、澗採兮危實
苑、援兮迴花、聽弱水之晨浪、望崑山之夕霞、窮

北辰而比壽，指中岳以爲家。此神仙之恍惚，豈從我而蠲邪？先生曰：捕影之言，莫測繫風之論。難盡，未嘗留意於死生，豈稍論於椿菌。

公子曰：洙泗遺文，鄒魯餘烈，其道未迷，其風不絕。方領圓冠，金口木舌，談章句之遠旨，構紛綸之雅說，陳五禮，明六詩，貫穿微妙，辯析毫釐，旣待問於重席，亦覃思而下幃。醞籍愷悌，和樂緝熙，生徒肅肅，賓友師師，並接袵以聞道，俱援手而受辭。心絕內戰，事無外慾，橫經者比肩擁篲。

者繼足醜申韓之法令陋桓文之風俗六郡湊
其衣冠五陵窮其軌躅信斯文其若水實斯人
之如玉若夫珠璣產於蚌蛤珪璧出於山淵未
有玉不瑩而爲寶人無學而稱賢蓋持身之管
籥進德之舟船響如鐘而待叩明似鏡以長懸
此其重於經術甯降志於吾賢先生曰誠此言
之甚美比斯道之爲曠耻見嘲於腐儒豈求珍
於席上

公子曰我大梁之啓基方邃古而無匹先天定

始。北殷周而餘裕，揖讓受終，考唐虞而不失道。德有序，憲章咸秩，六府孔修，百司盡畢，搜求儒雅，招拾遺逸，盱食思治，雖聞之於昔，談昧旦臨朝，乃見之乎茲。日蕩蕩薰風，泱泱大典，道含弘而廣被，澤汪穢而傍闡，採輿人之片言，納匹夫之小善，事在微而畢照，物無幽而不顯。若夫下車布德，伐罪弔民，風無偃稼，雨不破塵，覩勝殘於朞月，見成俗於浹辰，含群生兮如海，養萬類其猶春，鄉無豕食之隸，野靡狼顧之民，樵者目

金而知耻，耕夫讓畔以成仁，何大庭之足競，豈
栗陸之能隣，璧水道庠序之風，石渠啓珪璋之
盛，奇士輻湊而騁足，異人間出而効命，小大之
獄無冤民，翮飛之物無天性，故能睦之以九世
齊之以七政，坦坦恢恢，巍巍赫赫，政德洽於霜
風，教義窮於足迹，望雲氣而歛闕，候海水而重
譯，所謂府不輟貢，史無虛帛，天端磊砢而相尋，
地符氛氳而不少收，六穗於征賦，翫九莖於池
沼，三足應感而來儀，一角知時而自擾，映景星

於初月、聆鳳音於將曉、若乃亭毒不疵、合天地而並施、陶鈞日月、與造化而齊功、故非言辭之可具、盡筆札之所能窮、懷真獨往之夫、犇走而從事、滅迹藏名之士、顛倒而向風、二漢有同於兒戲、魏晉無礙於胸中、言未畢、先生攝衣而起、曰、子前所說、似玉卮之無當、徒費辭而難領、譬田背日而視秋毫、却行而求鄢郢、一聞皇王之盛、則豁然神悟、而理據志無時、而可卷、邦有道而宜舒、敢以殘智、請從後車、

而宜拾遺以辨賢能錄外車

感德精然轉丹初賦謝志珍報而何益成亦故

田竹日而斯煉學取符而水瀟湘一調是王女

其情當於此夫無當於此輜而賦吟賦

及動器晉無樂一謂其言或事及主謝太師

其非知衣薰冷文

西具盞華林文復翁窳對真擬掛之夫神表而

而並制國論日息與鼓外而齊也姑非言賴之

無味具領鳳音氣祿與若江亭表不與合天此

樂府

銅雀妓

秋風木葉落、蕭瑟管絃清、望陵歌對酒、向帳舞

空城寂寂簷、一作宇曠飄飄帷幔輕、曲終相顧

起日暮松柏聲

擬輕薄篇

城東美少年、重身輕萬億、柘彈隨珠丸、白馬黃

金飾、一作長安九達上、青槐蔭道植、轂擊晨已

喧、肩排暝不息、走狗通西望、牽牛亘南直、相期

何詩三集
百戲傍。去來三市側。象牀香繡被。玉盤傳綺食。
倡女掩歌扇。小婦開簾織。相看獨隱笑。見人還
歛色。黃鵠悲故羣。山枝詠新識。身飛過客盡。雀
聚行龍匿。酌羽方厭厭。此時懽未極。

門有車馬客

樂府作
何妥非

門有車馬客。言是故鄉來。故鄉有書信。縱橫印。
檢開開書看未極。行客屢相識。借問故鄉來。潺
湲淚不息。上言離別久。下言望應歸。寸心將夜
鵠。相逐向南飛。

昭君怨

樂府作何妥非

簪聞白鶴弄已自軫離情、今來昭君曲、還悲秋
草生、

草主

谷間白鶴美日自領鑄新今來

歌感
樂所
感其
亦共

詩

九日侍宴樂游苑

爲西封侯作

皇德無餘讓、重規襲帝勛、垂衣化比屋、瞻顧慎
爲君、翺飛悅有道、卉木荷平分、宸襟動時豫、歲
序屬涼氛、城霞且晃朗、槐霧曉氤氳、鸞輿和八
襲、鳳駕啓千羣、羽觴懽湛露、佾舞奏承雲、禁林
終宴晚、華池物色曛、疏樹飜高葉、寒流聚細紋、
晴軒連瑞氣、同一作飛惹御香芬、日斜迢遞宇、風
起嗟峨雲、運偶參侯服、恩洽厠朝聞、於焉藉多

幸歲暮仰遊汾

登石頭城

關城乃形勢、城險差非一、馬嶺逐紆回、大牙傷
隆窳百雉極襟帶、億庾兼量出、至理歸無爲、善
守竟何恤、眺聽窮耳目、遠近備幽悉、擾擾見行
人、暉暉視落日、連檣八迴浦、飛蓋交長術、天暮
遠、山青潮去遙、沙出薄宦惡、師表屬辭慙、愈疾
願乘轂、赫牛還隱蒙、籠室

望廨前水竹答崔錄事

拾遺作顧
則心詩非

蕭蕭蕤竹映澹澹，平湖淨葉倒漣漪。
水漾檀欒影，相思不會面。相望空延頸，
遠天去浮雲長。墟斜落景幽，痾與歲積。
賞心隨事屏，鄉念一遄迴。白髮生俄頃。

暮秋答朱記室

游揚日色淺，騷屑風音勁。寒潭見底清，
風色極天淨。寸陰坐銷鑠，千里長遼迴。
桃李爾繁華，松柏余本性。故心不存此，
高文徒可詠。

酬范記室雲

林、密、戶、稍、陰、草、滋、堦、欲、暗、風、光、盡、上、輕、日、色、花
中、亂、相、思、不、獨、懽、佇、立、空、爲、歎、清、談、莫、笑、理、繁
文、徒、可、玩、高、唱、子、自、輕、繼、音、子、可、憚、

落日前墟望贈范廣州雲

綠、溝、綠、草、蔓、扶、椶、雜、華、舒、輕、烟、澹、柳、色、重、霞、映
日、餘、遙、遙、長、路、遠、晚一作寂、寂、行、人、疎、我、心、懷、碩
德、思、欲、命、輕、車、高、門、盛、遊、侶、誰、肯、進、畋、漁、

日夕望江山贈魚司馬

溢、城、帶、溢、水、溢、水、縈、如、帶、日、夕、望、高、城、耿耿、青

雲外城中多宴賞，絲竹常繁會管聲。已流悅弦
聲復淒切，歌黛慘如愁。舞腰凝欲絕，仲秋黃葉
下。長或正騷屑，早鴈出雲歸。故燕辭檐別，晝悲
在異縣。夜夢還洛汭，洛汭何悠悠。起望西南樓，

一作登西樓

的的帆向浦，團團月映

一作隱

洲誰能

羽化輕舉逐飛浮

答丘長史

宿昔敦遠遊，名分乃異路。千里泝波潮，一朝披
雲霧。從容捨密勿，繾綣論襟趣。披文極詆訶，折

理窮章句明鐘信有待巨海誰能喻奔景驟西
傾遠途忽東驚黃花發岸草赤葉翻高樹漁舟
乍回歸沙禽時獨赴宴年時未幾離歌倏成賦
伊我念幽關夫君思贊務短翮方息飛長轡日
先驅曝鱖西 忝逸翮康時務握手異沈浮佳
期安可屢

道中贈桓司馬季珪體效燕綸謝限畫悲
晨纜雖同解晚洲阻共入猶如征鳥飛差池不
可及本願申羈旅何言異翔集君渡北江時詎

今南浦泣

夕望江橋示蕭諮議楊建康江主簿

欠身已西度，殘霞亦半消。
風聲動密竹，水影漾長橋。
旅人多憂思，寒江復寂寥。
爾情深鞏洛子，念返漁樵。
何因適歸願，分路一揚鑣。

寄江州褚諮議

自與君別離，四序紛迴薄。
分手清江上，念別猶如昨。
追憶邊城遊，奚尋平生樂。
俱登寵崑嶺，共坐透迤閣。
清吹或忘歸，繁文時間作。
連鑣戲淺

何詩三集 卷全
草遊憶遵長薄。五載同衣裘。一朝異睽索。夫君
頗留滯。驂駢未沃若。伊家從入關。終是填溝壑。
早秋正悽愴。餘暉晚銷鑠。林葉下仍飛。水花披
未落。如何隔千里。無由舉三爵。因君奏采蓮。爲
余吟別鶴。

入西塞示南府同僚

露清曉風冷。天曙江晃

二作光

爽。薄雲巖際出。初

月波中。上黯黯連嶂陰。騷騷急沫響。迴棹急礙
浪。羣飛爭戲廣。伊余本羈客。重睽復心賞。望鄉

雖一路懷歸成二想，在昔愛名山，自知懽獨往。
情游乃落魄，得性隨怡養。年事以蹉跎，生平任
浩蕩。方還讓夷路，誰知羨魚網。

下直出谿邊望答虞丹徒教

夫君美章句，席丈珍梁楚。伊余忝攝官，含毫亦
禁隄。直廬去咫尺，心期得宴語。休沐乃幽棲，別
離未幾許。伫立日將暮，相思忽無緒。谿北映初
星，橋南望行炬。九重不可越，三爵何由舉。

贈諸遊舊

何詩全集 卷全
弱操不能植，薄伎竟無依。淺智終已矣，令名安
可希。擾擾從役倦，屑屑身事微。少壯輕年月，遲
暮惜光輝。一塗今未是，萬緒昨如非。新知雖已
樂，舊愛盡睽違。望鄉空引領，極目淚沾衣。旅客
長憔悴，春物自芳菲。岸花臨水發，江燕遶檣飛。
無由下征帆，獨與暮潮歸。

贈族人秣陵兄弟

何思澄爲
秣陵令

吾宗昔多士，文雅高縉紳。小子無學術，丁甯困
負薪。傍枝實紛亂，領袖寄親姻。名價齊兩許，聞

門比三陳風力咸通邁、藝業並紛綸、元方振高
羽、洛令初解中、自爾典名郡、所在號清淳、齊兒
敢爲俗蜀物、豈隨身、祿俸不妻子、詎吟乃吏民、
孰云穢明德、惟在中、聖人若能遺酌我、稱首當
屬仁、伸將本特達、坎壈猶賤貧、方成天下士、豈
伊席上珍、外情或簡易、內鑒甚人倫、時然臨下
邑、摘伏信如神、顧余晚脫畧、懷抱日湮淪、游宦
疲年事、來往厭江濱、十載猶先職、一官乃任真、
土牛竟不進、芻狗空重陳、羈旅無儔匹、形影自

何言室集
卷全
三
相親蕭索高秋暮，砧杵鳴四隣。霏霏八窓雨，漠
漠暗牀塵。所思不可見，邈若胡與秦。願子加餐
飯，良會在何辰。

秋夕仰贈從兄寘南

堦蕙漸翻葉，池蓮稍罷花。高樹北風響，空庭秋
月華。寸心懷是夜，寂寂漏方賒。撫弦乏歡娛，臨
觴獨歎嗟。悽愴戶涼入，徘徊欄影斜。無爲淹戚
里，見就還田家。

仰贈從兄興甯寘南

家世傳儒雅，貞白仰餘徽。宗派已孤狹，財產又
貧微。棲息同蝸舍，出入共荆扉。松筆昭臨沼，蒲
簡得垂帷。幸逢四海泰，日月耀增輝。相顧無羽
翮，何由總奮飛。一朝異言宴，萬里就睽違。遠江
飄素沫，高山鬱翠微。相思對淼淼，相望隔巍巍。
茲灰終不然，長岑且未歸。當憐此分袂，呱呱淚
沾衣。

子容贈江長史別

二紀歷茲辰，投分敦遊處。況事兼年德，宴交無

爾汝中歲多乖違，由來難具叙。及君相藩牧，伊
予客梁楚。出國乃參差，會歸同處所。以茲篤惠
好，何用忘羈旅。重得申平生，何年更睽阻。籠禽
恨跼促，逸翮超容與。餞道出郊坰，把袂臨洲渚。
長飈落江樹，秋月照沙渚。遠送子應歸，棹開帆
欲舉。離舟懽未極，別至悲無語。安得生羽毛，從
君入宛許。

送韋司馬別出

送別臨曲渚，征人慕前侶。離言雖欲繁，離思終

無緒懾懾分手畢，蕭蕭行帆舉。舉帆越中流，望
別上高樓。子起南枝怨，子結北風愁。邈邈山蔽
日，洶洶浪隱舟。隱舟邈已遠，徘徊落日晚。歸衢
並駕奔別館，空筵卷想子。歛睂去，知子銜淚返。
銜淚心依依，薄暮行人稀。曖曖入塘港，蓬門已
掩扉。簾中看月影，竹裏見螢飛。螢飛飛不息，獨
愁空轉側。北窻倒長簾，南鄰夜聞織。棄置勿復
陳，重陳長歎息。

南還道中送贈劉諮議別

一官從府役五稔去京華。遽逐春流返歸帆。得
望家。天末靜波浪。日際歛烟霞。岸薺生寒葉。村
梅落早花。遊魚上急水。獨鳥赴行楂。目想平陵
柏。心憶青門瓜。曲陌背通垣。長墟抵狹斜。善鄰
談穀稼。故老述桑麻。寢興從間逸。視聽絕誼譁。
夫君日高興爲樂。坐騎奢室墮。傾城佩門交接。
幘車入塞長雲雨。出國暫泥沙。握手分岐路。臨
川何怨嗟。

與崔錄事別兼叙携手

宿昔夢顏色，咫尺思言偃。疑作宴何況杳來期，各在天一面。踟躇暫舉酒，倏忽不相見。春草似青袍，秋月如團扇。三五出重雲，當知我憶君。萋萋若被逕，懷抱不相聞。

贈韋記室黯別

故人儻送別，停車一水東。去帆若不見，試望白雲中。促膝今何在，銜杯誰復同。水夜看初月，江晚泝歸風。無因生羽翰，千里暫排空。

初發新林

伊昔負薪暇，慕義遊梁楚。短翮忘連翩，追飛散
容與。優游沐道教，漸漬淹寒暑。大德本無酬，輕
生竊自許。舟歸屬海運，風積如鵬舉。浮水暗舟
艫，合岸喧徒侶。凜凜窮秋暮，初寒入洲渚。鏜吹
響清江，懸旗出長嶼。危檣迥不進，沓浪高難拒。
回首泣親賓，中天望死許。帝城猶隱約，家園無
處所。去矣方悠悠，含意將誰語。

渡連圻二首

此山多靈異，峻岨實非恒。泱流自洄糾，激瀨視

宿昔夢顏色，咫尺思言偃。疑作宴何況杳來期，各在天一面。踟躕暫舉酒，倏忽不相見。春草似青袍，秋月如團扇。三五出重雲，當知我憶君。萋萋若被逕，懷抱不相聞。

贈韋記室黯別

故人儻送別，停車一水東。去帆若不見，試望白雲中。促膝今何在，銜杯誰復同。水夜看初月，江晚泝歸風。無因生羽翰，千里暫排空。

初發新林

伊昔負薪暇，慕義遊梁楚。短翮忘連翮，追飛散
容與。優游沐道教，漸漬淹寒暑。大德本無酬，輕
生竊自許。舟歸屬海運，風積如鵬舉。浮水暗舟
艫，合岸喧徒侶。凜凜窮秋暮，初寒入洲渚。鏜吹
響清江，懸旗出長嶼。危檣迥不進，沓浪高難拒。
回首泣親賓，中天望死許。帝城猶隱約，家園無
處所。去矣方悠悠，含意將誰語。

渡連圻二首

此山多靈異，峻岨實非恆。泱流自洞糾，激瀨視

奔騰懸崖抱奇崛，絕壁駕峻嶒。磳礧上爭險，岵
崿下相崩。百年積歿樹，千尺掛寒藤。詭怪終不
測，迴沈意難登。願欲書聞見，聊以寄親朋。
連圻連不極，極望在雲霞。絕壁無毛獸，窮岸有
盤楂。糾紛上巖窅，穿豁下巖芽。魚遊若擁劍，猿
掛似懸瓜。陰岸生駮蘚，伏水拂澄沙。客子行行
倦，年光處處華。石蒲生促節，巖樹落高花。暮潮
還入浦，夕鳥飛向家。寓目皆鄉思，何時見狹斜。

可已至集
下方山

寒鳥樹間響，落星川際浮。繁霜白曉岸，苦霧黑
晨流。鱗鱗逆去水，瀾瀾急還舟。望鄉行復立，瞻
途近更修。誰能百里地，縈繞千端愁。

入東經諸暨縣下浙江作

疲身不自量，溫腹無怕擬。未能守封植，何能固
廉耻。一經可人言，三冬徒戲爾。虛信蒼蒼色，未
究冥冥理。得彼既宜然，失之良有以。常言厭四
壁，自覺輕千里。日夕聊望遠，山川空信美。歸飛
天際沒，雲霧江邊作起。安邑乏主人，臨邛多

客子鄉鄉自風俗處處皆城市所見無故人含
意終何已
還渡五洲
我行朔已晦沂水復沿流戎傷初不辨動默自
相求睠言還九派迴艫出五洲蕭散烟霧晚淒
清江漢秋沙汀暮寂寂蘆岸晚脩脩以此南浦
夜重此北門愁方圓旣齟齬貧賤豈怨尤

春夕早泊和劉諮議落日望水
旅人嗟倦遊結纜坐春洲日暮江風靜中川聞

何詩集
卷八
三
棹謳草光天際、合霞影水中浮、單艫時向浦、獨
檝乍乘流、變童泣垂釣、妖姬哭盪舟、客心自有
緒、對此空復愁、

和劉諮議守風

彌旬苦凌亂、揆景候阡陌、晝想汝陽津、夜夢邯
鄲驛、憤風急驚岸、屯雲仍觸石、蕭條疾帆流、硯
礪衝波白、息榜已云久、維梢晨已積、蒼蒼極浦
潮、杳杳長洲夕、本慙飲飛劍、甯慕澹臺壁、織羅
若不、歧予中上澤、

宿南洲浦

幽棲多暇。豫從役知。辛苦解纜。及朝風落帆。依
暝浦。違鄉已信。次江月初三五。沈沈夜看流淵。
淵朝聽鼓霜。洲渡旅鴈朔。颺吹宿莽。夜淚坐淫
淫。是夕偏懷土。

學古贈丘永嘉征還

龍馬魚腸劍。躑躅起風塵。結客蔥河返。喧喧動
四鄰。入墟猶憶舊。覓巷復疑新。窺見應門出。遙
識下機人。相悲淚欲下。離別方自陳。

和蕭詒議岑離閨怨

曉河沒高棟斜月半空庭
窻中度落葉簾外隔

飛螢含悲

玉臺作情

下翠帳掩泣

玉臺作涕

閉金屏昔期

今未返春草寒復青
思君無轉易何異北辰星

嘲劉詒議

房櫳滅夜火窻戶映朝光
妖女褰帷去躑躅初
下牀雀釵橫曉鬢蛾
睂艷宿粧稍聞玉釧遠
猶憐翠被香甯知早朝客
差池已鴈行

詠照鏡

朱簾旦初捲，綺機晨未織。玉匣開鑑影，寶臺靜
臨飾。對影獨含笑，看花時轉側。聊爲出蠶翁，試
染天桃色。寶釵若可間，金鈿畏相逼。蕩子行未
歸，啼粧坐沾臆。

大壑擬青青，河畔草轉韻。體爲人作，其人識節。

曉曉刺工歌

春蘭

一作園

日應好折花，望遠道秋夜苦。復長抱

枕向空牀，吹臺

一作樓

下促節。不言於此別，歌筵

掩團扇，何時一相見。絃絕猶依軫，葉落纔下枝。

何詩室集 卷全
卽此雖云別方我未成離

學古三首

長安美少年羽騎暮連翩玉羈瑪瑙勒金絡珊
瑚鞭陣雲橫塞起赤日下城圓追兵待都護烽
火望祁連虎落夜方寢魚麗曉復前平生不可
定空信蒼浪天

鞏洛上東門薄暮川流側渾渾車馬道行人不
相識日夕棲身遠浮雲起新色寸心空延伫對
面何由卽飛輪倘易去易去因風力

昔隨張博望，辭帝長楊宮。獨好西山勇，思爲北

地雄。十年事河外，雪

一作雲

鬢別關中。季月邊秋

重巖野散寒，蓬日隱龍城。霧塵起玉關，風全狐
君已復，半菽我猶空。欲因上林鴈，一見平陵桐。

請且聊作百一體

禁門獸戲車警井闕溥氣人

靈輒困桑下，於陵拾李螬。歷齒方嗟賤，炙背豈
知豪。傭畊乏旅力，倚市憚劬勞。曠日無豆飴，方
冬缺緼袍。清旦開蓬蓽，舉目想煎熬。樞機慎僕
隸，媒蘖畏朋曹。萬途皆自僻，一事豈他褒。匆匆

何詩全集
卷之三
三
昨不定負杖出蓬蒿逢施同溝壑值設乃糠糟
生途稍冉冉逝水日滔滔咸言等木石誰當出
羽毛

早朝車中聽望

詰旦鐘聲罷隱隱禁門通
遠車響北闕鄭履入
南宮宿霧開馳道
初日照相風胥徒紛絡驛
騶御或西東
暫喧耳目外
還保性靈中方
驗遊朝市
此說不爲空

青藜臨行公車

帝身對宮殿
致西山
與思爲井

擾擾排曙扉，鱗鱗驅早駕。禁門儼猶閉，嚴城方
警夜。道勝多增榮，拙薄終難化。以茲畎澮質，重
與滄溟舍。纒舟去濁河，揆景辭清灞。平生多意
緒，懷抱皆徂謝。念此將如何，撫心獨悲咤。

秋夕歎白髮

絲白不難染，蓬生直易扶。惟見

一作此

星星鬢，獨

與衆中姝。昔年十四五，率性頗簾隅。直是安被
褐，非敢慕懷珠。何言志事晚，疲拙嬰姝軀。逢時
乃倏忽，失路亦斯須。郊郭勤二頃，形體憇一廬。

何詩集 卷五 三
涸蚌困魚目，籠禽觸四隅。宵長壁立靜，廓處謝
懽愉。月色臨窻樹，蟲聲當戶樞。飛蛾拂夜火，墜
葉舞秋株。逐物均乘鶴，違俗等雙鳧。故人倘未
棄，求我谷之隅。

夜夢故人

客心驚夜魂，言與故人同。開簾覺水動，映竹見
牀空。浦口望斜月，洲外聞長風。九秋時未晚，千
里路難窮。已如臃腫木，復似飄颻蓬。相思不可
寄，直在寸心中。

翁從主移西州寓直齋內霖雨不晴懷郡中
遊聚
寓直慚虎賁沈迷豈職事祈祈寒枝動濛濛秋
雨駛不見眼中人空想山南寺雙桐傍欄上長
楊夾門植風昔構良遊接膝同懽志東西忽爲
阻向隅懷獨思颯颯履聲喧擾擾羣分異卧聞
復雷響坐視重扃秘欲寄一行書何解三秋意
劉博士江丞朱從事同顧不值作詩云爾
故人篤久要新知從暮室崎嶇枉道過邂逅幽

人出心期不會面，懷之成首疾。向夕敞山扉，臨
窻玩餘帙。蜘蛛正網戶，落花紛入膝。浸淫水上
風，蔽虧霞中日。良辰一攜手，住坐無儔匹。劉侯
務屬書，江生勤下筆。朱君博辭理，去去追名實。
是顧一參差，何能更蓬葦。吾人少拘礙，得性便
遊逸。方欲俟寒裳，相從懽道術。

直春暮喜晴酬袁戶曹苦雨

振衣喜初霽，褰裳對晚晴。落花猶未捲，時鳥故
餘聲。春芳空悅目，游客久傷情。鄉園不可見，江

水獨自清願得同攜手歸望對都城

昔苦熱

昔聞草木焦今窺

一覩一作

沙石爛暄暄風逾靜

瞳日漸𦉳習靜

一閱一作

衣巾讀書煩几案卧思

清露浥坐待高星爍
蝙蝠戶中飛
蟻矇窻間亂
實無河朔飲空有臨淄汗
遺金不自拾
惡木甯無幹
願以三伏晨催促九秋換

七夕

仙車駐七襄鳳駕出天潢
月映九微火風吹百

和香來、懽暫巧笑，還淚已沾裳。一作啼粧依稀如洛
汭，倏忽似高唐。別離未得語，河漢漸湯湯。

揚州法曹梅花盛開

兔園標物序，驚時最是梅。
銜霜當路發，映雪擬寒開。
枝橫卻月觀，花繞凌風臺。
朝灑長門泣，夕駐臨邛杯。
應知早飄落，故逐上春來。

行經孫氏陵

昔在零陵厭神器，若無依逐兔爭先。
捷拈鹿競因機呼，噏開伯道叱咤掩江畿。
豹變分奇略，虎

視肅戎威長馳、巴漢驥馬絕淮淝、交戰無內、
禦重門、豈外扉、成功舉已棄、凶德懷而違、水龍
忽東驚、青蓋乃西歸、竭來已一作承久、年代暖
微微、苔石疑文字、荆墳失是非、山鶯空曙響、隴
月自秋暉、銀海終無浪、金鳧會不飛、閬寂今如
此、望望沾人衣、

塘邊見古塚

行路一孤墳、路成墳欲毀、空疑年代積、不知陵
谷徙、幾逢一作秋葉黃、驟見春流瀾、金蠶不可

經

織玉樹何時盡，陌上驅馳人笑歌。自侈靡今日
非明日，所念誰憐此。

哭吳興柳惲

南州擅荆梓，上國稱羽儀。伊人以戴德，李公傷
在期。遠識內無愠，深衷外有規。一作窺清文窮麗

則弘論盡高奇，多能誠所貴。小善聊復爲，百步
均射葉。八體妙臨池，曲悟同神解。龜謀信有知，
入朝耿長劍。出牧盛層塵，納言信加首。豐貂亦
在移，霞區兩借寇。貪泉一舉卮，翰飛矯未極。朝

露溘先危以茲舊館想况乃西日垂蔓草生車
轍枯木卧崩坻樽酒誰爲滿靈衣空自披眷言
尋惠妖慟哭悲路岐含毫徒有屬搦管竟無摛
登禪岡寺望和虞記室
南望南郭門拱樹梢雲密北窻北溱一作道重
樓霧中出接樹隱高蟬交枝承落日光陰不可
捨懷抱何由悉

答高博士

北窻涼夏首幽居多卉木飛蜨一作蝶美晚花清

何詩室集
卷全
三
池映疎竹爲宴得快性安閑聊鼓腹將子厭囂
塵就予開耳目

贈王左丞

欄外鶯啼罷園裏日光斜游魚亂水葉輕燕逐
風花長墟上寒靄曉樹沒歸霞九華暮已隱抱
鬱徒交加

敬酬王明府

星稀初可見月出未成光澄江照遠火夕霞隱
連檣賤軀臨不測玉體良垂堂念別已零淚况

乃思故鄉

西州直示同員

日長禁戶倦，卽事思短晨。
漏盡唱聲急，此理復傷人。
矛盾交爲論，光壁帶成珍。
誓將收飲啄，得得任心神。

野夕答孫郎擢

山中氣色滿墟上，生烟露杳杳。
星出雲啾啾，雀隱樹虛館。
無賓客幽居，乏懽趣思君意不窮。
長如流水注。

石頭答庾郎丹

高樹蔭樓密，細草綠成被。
黃鸝隱葉飛，蛺蝶縈空戲。
陰岑自爾悅，寂寥予罕寄。
相如阻禁闈，何由從簡易。

日夕出富陽浦口和朗公

客心愁日暮，徙倚空望歸。
山烟涵樹色，江水映霞暉。
獨鶴凌空一作風逝，雙鳧出浪飛。
故鄉千餘里，茲夕寒無衣。

臨行與故遊夜別

歷稔其追隨。一旦辭羣匹。復如東注水。未有西
歸日。夜雨滴空堦。曉燈暗離室。相悲各罷酒。何
時同一作促膝。

與胡興安夜別

居人行轉軼。客子暫維舟。念此一筵笑。分爲兩
地愁。露濕寒塘草。月映清淮流。方抱新離恨。獨
守故園秋。

車中見新林分別甚盛

金谷賓遊盛。青門寇蓋多。隔林望行幘。下阪聽

鳴珂於時春未歇，麥氣始清和。還入平原逕，窮巷可張羅。

曉發

早霞麗初日，清風消薄霧。水底見行雲，天邊春
遠樹。且望沿沂劇，暫有江山趣。疾兔聊復起，爽
地豈能賦。

慈姥磯

暮烟起遙岫，斜日照安流。一同心賞夕，暫解去
鄉憂。野岫平沙合，連山遠霧浮。客悲不自已，江

上望歸舟

見征人分別

淒淒日暮時親賓俱佇立
征人拔劍起兒女牽衣泣
候騎出蕭關追兵赴馬邑
且當橫行去誰論裹屍人

同虞記室登樓望遠歸

登樓欲望遠遙遙見白衣
白衣猶遠遠言是稍知非
對窻看寶瑟入戶弄鳴機
無令日光晚門閣掩重扉

與虞記室諸人詠扇

如珪信非玷，學月但爲輪。
機杼靡蕪妾，裁縫篋笥人。
搖風入素手，占曲掩朱唇。
羅袖幸拂拭，微芳聊可因。

看伏郎新婚

霧夕蓮出水，霞朝日照梁。
何如花燭夜，輕扇掩紅粧。
良人復灼灼，席上自生光。
所悲高駕動，環珮出長廊。

詠娼婦

曖曖高樓暮，華燭帳前明。
羅帷雀釵影，寶瑟鳳雛聲。
庭花枝上發，新月霧中生。
誰念當窻牖，相望獨盈盈。

詠舞

管清羅薦合，絃驚雪袖遲。
逐唱迴纖手，聽曲轉蛾眉。
凝情眇墮珥，微睇託含辭。
日暮留嘉客，相看愛此時。

望新月示同羈

初宿長淮上，破鏡出雲明。
今夕千餘里，雙蛾映

水生的的與沙靜灩灩逐波輕望鄉皆下淚非
我獨傷情

詠春雪寄旅人治書思澄

可憐江上雪迴風起復滅本欲映梅花翻悲似
玉屑朝鶯日弄響暮條行可結咸言不適時安
知非矯節

和司馬博士詠雪

凝堦夜似月拂樹曉疑春蕭散忽如盡徘徊已
復新暫蔽卷紈質復慙施粉人若逐微風起誰

言非玉塵

無谷雨部玉流其人會熱或空於此

詠白鷗兼嘲別者

可憐雙白鷗朝夕水上遊

玉臺作浮

何言異棲息雖

住雄不留孤飛出淑浦獨宿下滄洲東西從此

別、影響絕無由

行經范僕射故宅

旅葵應蔓井荒藤已上扉寂寂空郊暮無復車

馬歸漱澀故池水蒼茫落日暉遺愛終何極

一作

聞寂今

如此行路獨沾衣

王尚書贈行

昱昱丹旄振、亭亭素蓋立、金鐸譟已鳴、龍輻將復入、華臺日未徙、荒墳路行濕、已矣將何如、賓馭皆灑泣、

送褚都曹

君隨結客去、我乃倦遊歸、本願同棲息、今成相背飛、

送司馬入五城

隨風飄岸葉、行雨暗江流、居人會應返、空欲送

行舟

邊城思

柳黃未吐葉，水綠半含苔。
春色邊城動，客思故鄉來。

爲人妾思二首

魂銷形已去，釵落猶依枕。
欲去淚無聲，不看悲復甚。

機中刺繡所，窻下朝粧處。
未憶神已傷，欲忘悲不去。

不夫爲人妾怨

燕戲還簷際，花飛落枕前。
寸心君不見，拭淚坐調絃。

閨怨二首

竹葉響南窻，月光照東壁。
誰知夜獨覺，枕前雙淚滴。

閨閣行人斷，房櫳月影斜。
誰能非窻下，獨對後園花。

南苑

花門闢千扇，苑戶開萬扉。
樓殿聞珠履，竹樹隔羅衣。

日余苑中見美人，
善草沐工賦，
鴉不同，
柳涼回。
羅袖風中捲，玉釵林下耀。
團扇承落花，復持掩餘笑。

詠春風

可聞不可見，能重復能輕。
鏡前飄落粉，琴上響餘聲。

離夜聽琴

別離既有緒，琴瑟反成悲。美人多怨態，亦復慘
長眉。

相送見銷重，銷重銷難。銷難銷難，銷難銷難。
客心已百念，孤遊重千里。江暗雨欲來，浪白風
初起。

答江革聯句不成
日余乏文幹，逢君善草札。工拙既不同，神氣何
由拔。

又答江革
芬門又答江革，可開萬氣對。幾聞樵氣竹樹，

棘端雖非譬，至妙安可量。要知同罔象，然始見
毫芒。

詠雜花

井上發新花，誰言不經染。已如薄紫拂，復似濃
紅點。狀錦無裁縫，依霞有舒歛。

別離說存... 以... 人多... 亦復...

長...

珠璣... 無... 珠... 寶...

共土... 蘇... 蘇... 蘇... 蘇...

日... 蘇... 蘇... 蘇... 蘇...

亭...

棘... 蘇... 蘇... 蘇... 蘇...

聯句

擬古三首聯句

家本青山下，好上青山上。青山不可上，一上一

惆悵。遜匣中一明鏡，好鑑明鏡光。明鏡不可鑑

一鑑。一情傷。范少知雅琴曲，好聽雅瑟聲。雅琴

不可聽，一聽一沾纓。劉孝綽

往晉陵聯句

臨別我傷悲，送歸子自適。劉金不可散，卜蓋何

由惜。遜從來重分陰，未曾輕尺璧。故任情一異

於是望三益

高爽

爾自高樓寢，子返東臯陌。寄語

落毛人，非復平原客。

遜

問舍且求田，音亂無可

擇勝門成好事盤，紆欲何索。

范廣州宅聯句

洛陽城東西，却作經年別。昔去雲如花，今來花

似雪。

雲

濛濛夕烟起，奄奄殘暉滅。非君愛蒲堂，

甯我安車轍。

遜

相送聯句

寸陰常可惜，別至倍傷神。子瞻天際水，子望路

中塵韋憫憫岐路側去去平生親一朝事千里

流涕向三春遜

簪共入門笑今成送別悲君還舊聚處爲我一

顛王江於今還促膝自此客江濱願子俱停

駕看我獨解維遜

三

高軒雖駐軫餘日久無輝以我辭鄉淚沾君送

別衣遜

至大雷聯句

高談會良夕，滿酒對羈情。閃閃風烟動，蕭蕭江

雨聲。遜密雲窮浦暗，飛電遠洲明。若非今宴適

詎使客愁輕。劉進舟似連鴈，遠火若迴星。江潭

望如此，銜卮共君傾。桓季

賦詠聯句

弊履常決踵，睂高起半額。曼倩爾何爲，獨歎長

安索。遜工商旣慚巧，農士聊相易。蠲腹有餘資

鴻睂方可拍。江攝職媿握蘭，濫官悲執戟。連章

既不敏高談豈能劇孺逸翮任奮飛窘步事羈

勒還身余能繫流言爾無惑革憂懷乃千載永

歡常數刻直是悲別離非關念通塞遜日照汀

沙素山影波浪黑爾限大江南余歸茂陵北孺

臨別聯句

臨別情多緒送歸涕如霰君望長安城予悲獨

不見遜爾來同去國子歸方異縣懷別心獨憂

手淚方濺濺孺

增新曲相對聯句

酒闌日隱樹上客請調絃嬌人挾瑟至透迤末

宵前劉孝勝舊愛今何在，新聲徒自憐。有曲無人

聽，徒倚高樓前。何澄徘徊映日照，轉側被風吹。徒

為相思響，傷春君不知。劉綺月昏樓上坐，含悲望

別離。已切空牀怨，復看花柳枝。遜

照水聯句

插花行理鬢，遷延去復歸。雖憐水上影，復恐濕

羅衣。遜臨橋看黛色，映渚媚鉛暉。不顧春荷動

彌畏小禽飛。綺

折花聯句

笑出春園裏，望花聯袂，纈欲以間珠鈿，非爲相思折。遜日照爛成綺，風來聚疑雪，試採一枝歸，願持因遠別。綺

搖扇聯句

紈扇已新製，蕩婦復新粧，欲掩羞中笑，還飄袖裏香。遜在握時搖動，當歌掩抑場，誰云減羅袂，影日聊自障。綺

正釵聯句

竹臺歸欲礙花林出未通度簪先分影轉珥一

瞻風遜雙橋耀寶鈿闐闐密復叢羞令挂一作桂

纓闕整插補餘空綺

...

...

...

...

...

...

本傳

何遜字仲言東海剡人也曾祖承天宋御史中丞祖翼員外郎父詢齊太尉中兵參軍遜八歲能賦詩弱寇州舉秀才南鄉范雲見其對策大相稱賞因結忘年交好自是一文一詠雲輒嗟賞謂所親曰項觀文人質則過儒麗則傷俗其能含清濁中今古見之何生矣沈約亦愛其文嘗謂遜曰吾每讀卿詩一日三復猶不能已其爲名流所稱如此天監中起家奉朝請遷中衛

建安王水曹行參軍兼記室王愛文學之士日
與遊宴及遷江州遜猶掌書記還爲安西安成
王參軍事兼尚書水部郎母憂去職服闋除仁
威廬陵王記室復隨府江州未幾卒東海王曾
孺集其文爲八卷初遜文章與劉孝綽並見重
於世世謂之何劉世祖著論論之云詩多而能
者沈約少而能者謝朓何遜時有會稽虞騫工
爲五言詩各與遜相埒官至王國侍郎其後又
有會稽孔翁歸濟陽江避並爲南平王大司馬

府記室翁歸亦工爲詩、避博學、有思理、更注論語、孝經、二人並有文集

梁何記室集終